

Årsmelding for Møre og Romsdal SV 2022

Dette er dei strategiske områda som blir løfta fram i arbeidsplan for perioden 2022-25:

- Samordning av det politiske arbeidet mellom fylkeslaget, fylkestingsgruppa, folkevalte i kommunane og stortingsrepresentanten godt
- Bygge alliansar med fagrørsla og miljørørsla i fylket, samt andre interesseorganisasjonar vi deler syn med
- Profilere det politiske arbeidet på fylkesnivå og i kommunane meir systematisk
- Jobbe langsiktig med å bygge opp politiske profilar på alle nivå

I årsrapporten vil vi forsøke å seie noko om kvar vi står i høve til dei områda som er prioriterte i gjeldande arbeidsplan.

Tillitsvalgte

Styret har i 2022 bestått av: Bjørn Jacobsen (leiar), Marit Aklestad (nestleiar), Frank Schneider Villa, Roar Leite, Vivian Roppen og Kirsti Fossgård. SU har ikkje stilt med representant i fylkestyret dette året.

Morten Feiring har ivareteke kasserarfunksjonen, fram til økonomiavdelinga på partikontoret overtok rekneskapsføringa, men har ikkje møtt fast på fylkestyremøta.

Desse har vore politiske kontakter:

- Internasjonal kontakt- Neal Robinson
- 1. Kvinnepolitisk kontakt- Line Karlsvik
- 2. Miljøpolitisk kontakt- Håvard Brendeland
- 3. Fagpolitisk kontakt-
- 4. Inkluderingskontakt- Olav Hoff
- 5. EU/EØS-kontakt- Oddrun Årflot
- Kontakt for Skeive Sosialister- Kim Thoresen-Vestre
- Næringspolitisk kontakt- Sindre Stuen
- Landbrukspolitisk kontakt- Cecilie Rørstad
- Helse- og sosialpolitisk kontakt- Kersti Hasund
- Kulturpolitisk kontakt: Håvard Bævre Ellingsgård
- Oppvekst og utdanningspolitisk kontakt- Anders Lindbeck

SV har fleire nasjonale utval som er rådgivande organ for sentralstyret, landstyret og organisasjonen elles. Utvala er satt saman av SVarar frå heile landet med spesiell fagekspertise. Frå Møre og Romsdal har vi Line Karlsvik i kvinnepolitisk utval, Ingrid Opedal i miljøpolitisk utval og Oddrun Årflot i EU/EØS-utvalet.

Møre og Romsdal SV har i denne perioden 34 kommunestyrerepresentantar og 3 fylkestingsrepresentantar.

Fylkessekretær

Tidlegare fylkessekretær Morten Hezlein slutta i februar og fram til 1.8. var fylkeslaget utan ein eigen sekretærressurs. Etter å ha delt fylkessekretærressurs med Vestland i mange år, har Møre og Romsdal SV frå 1.8.2022 eigen fylkessekretær i 50% fast stilling. Kari Gagnat er tilsett i stillinga. Fram til valet i september 2023 er stillinga mellombels auka til 70%. Det er inngått ein avtale mellom fylkeslaget og SV sentralt og med fylkestingsgruppa rundt delfinansiering av stillinga. Fylkessekretæren har kontor på Folkets Hus i Molde i kontorfellesskap med fag- og interesseorganisasjonar. Gjennom det første halvåret har det

vore viktig for ny fylkessekretær å bli kjent med partiorganisasjonen, og etablere system og rutiner for administrativ og økonomisk oppfølging av fylkeslaget. Vidare blir det viktig å finne ut korleis vi best kan nytte fylkessekretærressursen for å støtte opp under arbeidet ute i lokallaga våre og realisere målsetnadane fastsett i arbeidsplana for Møre og Romsdal SV.

Organisatorisk

Fylkesårsmøtet vart gjennomført 12.-13. februar 2022. Her møtte 38 delegatar og ti observatørar/gjestar. Årsmøtet vedtok ti uttaler.

Fylkesstyret har hatt åtte møter i 2022, og 2 så langt i 2023. Styret har jobba med saker som

- Listestilling kommune- og fylkestingsvalet 2023
- Oppfølging av medlemssituasjonen
- Årshjul og planer for meir systematikk i organisasjonsarbeid
- Gjennomgang av talet på nettverk og politiske kontaktar på fylkesnivå
- Innspel til budsjettprosessar – statsbudsjett og fylkesbudsjett
- Vidaregåande skolar
- Møreaksen
- Møtt fagrørsla
- El-ferjer
- Raudsand og sirkulær økonomi
- Helsesaker og fødselsomsorg
- Mork rehab.senter

Overordna organisatoriske mål som er vedtatt i arbeidsplana:

*Fram mot vala i 2023 og 2025 vil vi utvikle **ein sterkare organisasjon** med fleire aktive medlemmar, fleire lokallag og fleire lister. Valkampane, inkludert opptrappinga til desse, blir viktige organisatoriske byggjeperioder.*

*Vi skal **jobbe meir utadretta og inkludere fleire**. Det skal vere lett å finne ulike aktivitetar og arrangement for alle medlemmar, og vi skal ha tettare kontakt med innbyggjarar og organisasjonar, fagmiljø og næringsliv for å utvikle og få innspel til vår politikk. Vi skal få eit større mangfald blant våre tillitsvalde og folkevalde, og det skal vere gjevande og sosialt å vere engasjert i SV.*

*Vi skal **utruste og skulere våre tillitsvalde og folkevalde** slik at dei er trygge i verva sine, er stødige på vår politikk, får bidra i politikktutviklinga og beheld engasjementet i partiet over tid. Vi skal jobbe for at fleire får erfaring med verv og oppgåver for SV både lokalt og på fylkesnivå, og at fleire i Møre og Romsdal SV får erfaring med verv nasjonalt.*

RAPPORTERING PÅ MÅL OG TILTAK I ARBEIDSPLANA:

Medlemmar, rekruttering og bygging av lokallaga

1. Medlemsveksten skal halde fram, og vi skal bli 800 medlemmar ila 2022

Vi har 667 medlemmar pr 31.12.22. Dette er ein nedgang på 25 samanlikna med året før. Tilnærma alle medlemmar med ubetalt kontingent vart før årsskiftet kontakta av sitt lokallag eller av fylkessekretær, med forespørsel om dei fortsatt ønskte å vere medlem i SV. Dei fleste vart kontakta både på e-post og pr telefon.

2. Det skal vere lett å engasjere seg og finne ulike aktivitetar og arrangement for alle medlemmar

Mange av lokallaga har arrangert opne møte med forskjellige aktuelle tema. Lokallaga har også vore arrangørar eller medarrangørar på forskjellige type merkedagar og aksjonar. Fleire lokallag har også lågterskelaktivitetar som kafetreff og turar.

Frå Møre og Romsdal deltok 10 aktive SVarar på konferansen «Sosialisme på norsk» i oktober.

Det verkar ambisiøst for oss å klare å drifte mange nettverk på fylkesnivå. Fylkesstyret meiner difor at vi bør prioritere eit par fylkesvise nettverk og også ha færre politiske kontaktar på fylkesnivå. Vi må bli flinkare til å både reklamere for og invitere medlemmane våre til å delta og engasjere seg i nasjonale nettverk.

Vi må fortsatt bli flinkare til å koordinere og planlegge besøk frå sentralt til ulike aktivitetar og arrangement. Dette blir særleg viktig inn mot valkampen.

3) Vi har god erfaringsdeling mellom lokallaga der større/sterke lag bidreg til å byggje opp dei mindre/svakare laga

Digitale lokallagsleiarmøte har vore gjennomført i juni, oktober og desember med godt oppmøte. Denne møteplassen bør utviklast vidare slik at vi oppnår enda meir erfaringsdeling lokallaga imellom. Fylkesstyremedlemmar har også delteke i lokallagsaktivitetar, som innleiarar og som deltakarar.

4) Stille lister i 3 fleire lokallag i 2023 enn i 2019 og aktivere sovande lag

Vi stilte lister i 17 av kommunane i fylket i 2019. Det ser pr januar 2023 ut til å bli vanskeleg å klare å stille lister i 3 fleire kommunar enn ved sist kommuneval. Det krevst eit enda meir langsiktig arbeid for å få i gang sovande lag i kommunar med svakt medlemsgrunnlag og/eller få stifta lag i kommunar som ikkje har lokallag i dag.

I veke 35 var fylkessekretær og stortingsrepresentant Birgit Oline på listereise, der dei besøkte nesten alle lokallaga i fylket, med formål å bli kjent og kartlegge status for listestilling. Vi bruker aktive SVarar som ressurspersonar til å spele inn aktuelle kandidatar og kontakte folk i sine nettverk.

Ved utgangen av 2022 har vi aktive lokallag i 18 av fylkets kommunar. Vårt ferskaste lokallag er Haram SV som hadde stiftingsmøte i november. Vi må arbeide hardt for å klare å stille liste i alle kommunar med aktive lokallag.

Folkevalde, tillitsvalde, nettverk og skulering

3. Våre folkevalde har god opplæring, og er trygge i SV sin politikk og si eiga rolle

Folkevalte har ei eiga facebookgruppe der dei deler innlegg og idear til gode vedtak/spørsmål. Vi må arbeide vidare for å bygge eit godt nettverk mellom våre kandidatar, ikkje minst for å bidra til at dei små gruppene/einpersonsgruppene også opplever å ha støtte i det lokalpolitiske arbeidet.

På initiativ frå lokale folkevalte i Møre og Romsdal vart det i oktober arrangert eit webinar med tema oppdrett med representar frå stortingsgruppa og politiske rådgjevarar. Formålet var å bli oppdatert og tryggare på kva som er SVs politikk på feltet.

Vi arrangerte også i oktober ein inspirasjonskveld for lokallag på Nordmøre/Romsdal med valkampsjef Kristian Fjellanger og folkevaltrådgivar Jørgen Hammer Skogan frå partikontoret.

SV sentralt vil satse meir på folkevaltopplæring og har i 2022 tilsatt ein eigen folkevaltrådgivar. Vi må også vere aktive og etterspørre tilbod vi ønsker og prioritere deltaking på nasjonale tiltak, som kandidatsamlingar.

Intern og ekstern kommunikasjon

1) God informasjonsflyt på tvers av lokallag, fylkeslag og til sentralt, der tillits- og folkevalde på lokalt plan er godt informert om kva som skjer nasjonalt og kjenner seg trygge på det som blir kommunisert ut

Vi vil fortsatte med lokallagsleiarmøta og utvikle denne arenaen vidare. Vi har starta arbeidet med å utvikle eit årshjul for aktivitetane i fylkeslaget. Formålet med dette er å oppnå eit meir planmessig arbeid og at nye som får ansvar for ein aktivitet eller eit tiltak, ikkje skal måtte «finne opp krutet på nytt».

2) God arbeidsfordeling internt i fylkesstyret, og god informasjonsflyt mellom fylkesstyret, fylkestingsgruppa, sekretær og stortingsrepresentant

Vi ser behovet for å styrke kontakten mellom fylkesstyret, fylkestingsgruppa, sekretær og stortingsrepresentant, og vil i 2023 forsøke å få til jamnlege, korte digitale møter.

3) Betre ekstern kommunikasjon og formidling

Vi ønsker fortsatt å auke aktiviteten og løfte innhaldet på sosiale media for få fram SV-standpunkt og for å aktivere og engasjere fleire.

Økonomi

Regnskapet viser eit underskot for 2022 på kr. 52.000,-. Normalt har vi hatt eit overskot i åra mellom valår. Årets underskot skuldast ei større omlegging av drifta, med tilsetning av fylkessekretær i større stilling enn tidlegare, med etablering av kontor og der partikontoret har overteke rekneskapsføringa for fylkeslaget. Ved årsskiftet er egenkapitalen på kr 390.000,-

Programarbeidet

Gjennom høsten har arbeidet med å utarbeide valgprogram for fylkesvalgperioden 2023-27 stått sentralt. Fylkeslaget har mottatt en stor mengde innspill fra forskjellige interesseorganisasjoner. Denne runden med programarbeid vil bli evaluert og danne grunnlag for en plan for framtidige programprosesser i fylkeslaget. Vi erfarte blant anna at det vil vere ein fordel å kome tidlegare i gang med dette arbeidet, for blant anna å kunne gjennomføre møter og hente innspel frå aktuelle organisasjonar meir direkte og ikkje berre skriftleg.

Programkomiteen har vært leia av Marit Aklestad, som har hatt med seg Yvonne Wold, Kim Thoresen-Vestre, Anders Lindbeck, Line Karlsvik, Ole August Iversen og Anna Klara Måseide.

Nominasjon fylkesvalgliste

Nominasjonskomiteen har bestått av Eldar Høidal (Sykkylven SV), Elin Pedersen (Ulstein SV), Cecilie Franciska Gaikonen (Hustadvika SV), Håvard Ellingsgård (Molde SV) og Viggo Jordahl (Kristiansund SV).

Nominasjonskomiteen la i november 2022 fram eit foreløpig forslag til valgliste for Møre og Romsdal SV. Forslaget vart sendt på høyring til lokallaga med ein frist for å kome med innspel. Etter høyringsfristen la nominasjonsnemnda fram sitt endelege forslag til valliste.

Politisk arbeid

Det har vore jobba godt med mange viktige politiske saker i 2022, både i fylkesting, kommune- og bystyre, fylkesstyre, lokallag og landsstyre. Politiske saker i lokallaga har fått større merksemd i lokallagsleiarmøta. Då både med utveksling mellom lokallaga og ikkje minst i høve fylkestingsgruppa som har stilt opp og tatt til seg politiske krav frå lokallaga. Fylkesstyret har handsama LS-saker, i tillegg til at fylkesstyret har drive organisasjonen i nok eit vanskeleg pandemiår.

Oppsummert

Vi har arbeidd etter vår nye arbeids- og organisasjonsplan som vart vedteke på årsmøtet i 2022 i eit år. Det er eit langsiktig og kontinuerleg arbeid å bygge organisasjonen og sørge for system og møteplassar som støtter opp under lokallaga sin organisatoriske og lokalpolitiske aktivitet. Gjennom planmessig arbeid skal vi utvikle ein enda sterkare organisasjon, som er meir utadretta og aktiviserer fleire, samtidig som vi støttar og skulerar våre folkevalte og tillitsvalte slik at dei kjenner seg trygge i verva sine.